

Utoqqaat illuini assigisaannilu aamma napparsimmavinni pulaartunut killilersuinerup atuuttunngortikkallarnissaanut periarfissiinissaq pillugu Namminersorlutik Oqartussat nalunaarutaat

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-imeersumi, Inatsisartut inatsisaatigut nr. 1, 1. april 2020-meersutigut allanngortinneqartumi, § 12 c naapertorlugu aalajangersarneqarpoq:

Atuuffii

§ 1. Tunillaassortunik nappaalanersuaqarneranut ataatsimiititaliarsuaq, COVID-19-ip tunillaassuunnissaa pinngitsoortinniarlugu utoqqaat illuini assigisaannilu aamma napparsimmavinni pulaartunut killilersuigallarnernik atuuttunngortitsisinnaavoq.

Imm. 2. Suliffeqarfimmut pineqartumut killilersuinerup atuuttunngortitsisinaavoq. Killilersuinerup atuuttunngortitsisinerup killilersuinerit annertussusaat aalajangersarneqassapput.

Imm. 3. Killilersuineq Nunatta Nakorsaaneqarfiata nittartagaani saqqummiunneqassaaq.

Imm. 4. Killilersuineq sapinngisamik piaarnerpaamik atuukkunnaassaaq.

Utoqqaat illui, inissiat il.il.

§ 2. Utoqqaat illuinut pulaartut isersinnaanerannut inerteqquteqarnerup killilersuinerinilluunniit Tunillaassortunik nappaalanersuaqarneranut ataatsimiititaliarsuaq atuuttunngortitsisinnaavoq, matumani inissat oqilisaataasut, inissiat imaluunniit allatut init sulisunut ataatsimoortumillu najugaqarfinnut attuumassutillit ilanngullugit, tamanna nunami maani nappaammik nalinginnaasumik inunnut ulorianaateqartup pinaveersaartinnissaa imaluunniit siammannerata killilersimatinnissaa pisariaqarpat. Tamanna atuuppoq isumaginninnerup suliaasaqarfimmi pissaanerup atuineq pillugu Inatsisartut inatsisaanni §§-ini 37-mi aamma 39-mi maleruagassaqaqarluartoq.

Imm. 2. Inerteqquteqarnerit killilersuinerinilluunniit atuutsinneranni pineqartut tassaasinnaapput init ataatsimoortumut, inissiallu ilaa najugaqartup nammeneq atorsinnaasaa.

Imm. 3. Pulaartut isersinnaanerannut inerteqquteqarnerup killilersuinerinilluunniit neqeroorutitut aalajangersimasunut, neqeroorummup ataatsimut imaluunniit nunap ilaani arlalinni imaluunniit nalinginnaasumik neqeroorutitut tunngassuteqartinneqarsinnaapput.

Napparsimmaviit

§ 3. Napparsimmavinnut peqqinnissaqarfiullu immikkoortuinut pulaartut isersinnaanerannut inerteqquteqarnermik killilersuinerilluunniit Tunillaassortunik nappaalanersuaqarneranut ataatsimiititaliarsuaq atuuttunngortitsisinnaavoq, nunami maani nappaammik nalinginnaasumik inunnut ulorianaateqartup pinaveersaartinnissaa imaluunniit siammarnrata killilersimatinnissaa pisariaqarpat.

Imm. 2. Pulaartut isersinnaanerannut inerteqquteqarnerit killilersuinerilluunniit napparsimmavinnut peqqinnissaqarfiullu immikkoortuinut aalajangersimasunut imaluunniit napparsimmavinnut peqqinnissaqarfiullu immikkoortuinut tamanut, peqqinnissaqarfiup nunami immikkoortuani pineqartumiittunut tunngasinnaapput.

Inerteqquteqarnermut killilersuinerimullu ilaanngitsut

§ 4. Tunillaassortunik nappaalanersuaqarneranut ataatsimiititaliarsuaq aalajangiisinnaavoq §§-it 2 aamma 3 malillugu inerteqquteqarnek killilersuinerluunniit, najugaqartup imaluunniit katsorsarneqartup qanigisaata perulunnerata nalaani pulaarnissamut atuutinngitsaq.

Imm. 2. Perulunneq ima paasineqassaaq, assersuutigalugu napparsimaruluttumut imaluunniit inummut toqulersumut imaluunniit angajoqqaat qanigisaasulluunniit meeqqamut mikisumut allamulluunniit pinngitsoorani pulaartariaqarnerit.

Imm. 3. Suliffeqarfimmi najugaqarfimmiluunniit aqutsisut imaluunniit napparsimmavimmi peqqinnissaqarfiulluunniit immikkoortortaani aqutsisut, perulunnerup nalaani illersorneqarsinnaasumik pulaarnerup ingerlanneqarsinnaanerata qulakkeernissaanut pisussaaffeqarput.

§ 5. Nalunaarut saqqummiussinerup aqaguani atortuulissaaq.

Namminersorlutik Oqartussat, ulloq 7. april 2020

Martha Abelsen

/

Tine Pars

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut